

*LE CHAPITRE DE L'ALCORAN,
contenant soixante & dix-sept versets,
escrit à la Meque.*

AV Nom de Dieu clement & misericordieux. Loué soit celui qui a enuoyé l'Alcoran à son seruiteur pour instruire le monde, il est Roy des Cieux & de la Terre, il n'a point d'enfant ny de compagnon en son regne, il a créé & ordonné toute chose, les infidelles adorent des Dieux qui ne peuvent rien créer & sont choses créées, ils ne leur peuvent faire ny bien ny mal, ils ne leur peuvent donner ny la vie ny la mort, ny les faire ressusciter: Ils ont dit que l'Alcoran n'est que mensonge de ton inuention, controuuée avec l'ayde de quelque autre personne, mais ils mentent & blasphement, ils disent que ce n'est qu'une vieille chanson, & vne fable des anciens que tu escris, & que tu estudie soir & matin; Dis leur, il a esté enuoyé par celui qui sçait tout ce qui est au Ciel & en la terre, tout clement & misericordieux. Ils ont dit, qui est ce Prophete? il mange pain & viande & chemine par les ruës, nous ne le croirons pas si vn Ange ne descend du Ciel pour nous prescher avec luy, que cét Ange ne l'enrichisse, & qu'il n'ayt vn jardin remply de fruiets bons & sauoureux, ce n'est qu'un

feroier, ou vn homme possédé du Diable; Considere à quoy ils te comparent, certainement ils sont déuoyez, & ne peuuent pas trouuer le droict chemin; Louë & beny celuy qui te peut donner vn plus grand bien quand bon te semblera, à sçauoir des jardins où coulent plusieurs fleues, & des maisons de plaissance. Ils ont nié la certitude du Iugement vniuersel, & nous auons préparé le feu d'Enfer pour les chastier, la colere les emportera avec des cris effroyables quand ils verront le lieu de l'assemblée du Iugement; & lors qu'ils y seront arriuez, ils seront desesperez, & crieront, ô malheur, ne cryez pas ô malheur, criez ô malheurs (en pluriel?) Demandez-leur qui est meilleur & plus aduantageux, ou cela, ou le Paradis qui est préparé pour recompenser les gens de bien, où ils demeureront eternellement avec toute sorte de felicité; c'est ce que Dieu a promis, & ce qui a esté demandé à sa diuine Majesté (pour ceux qui ont sa crainte deuant les yeux.) I'assembleray vn iour les idolatres avec leurs Idoles, Dieu leur dira, c'est vous qui auez deuoyé mes creatures du droict chemin; ils diront, louë soit ton nom, nous ne deuions adorer que ta diuine Majesté, mais les biens que tu as donnez à nos Magistrats, & la vie que tu leur as prolongée, leur a fait oublier tes commandemens; ils estoient gens perdus puis qu'ils ont abjuré ta loy, ils ne nous peuuent pas aujourd'huy exempter de la punition de nos crimes ny nous proteger contre ta colere. Les idolatres seront

rigoureusement chastiez, les Prophetes que nous
 auons enuoyez auparauant toy, mangeoient pain &
 viande, & marchoient par les ruës, nous les espro-
 uons les vns par les autres, perseuerez, Dieu void ceux
 qui sont patiens. Ceux qui ne croient pas en la re-
 surrection ont dit; Les Anges ne sont pas descendus
 du Ciel, nous n'auons pas veu Dieu; ils se font enor-
 gueillis, & sont tombez en vne tres grande erreur,
 mais les meschans seront vn iour sans consolation,
 lors qu'ils verront les Anges ils crieront, au secours,
 au secours; Nous mettrons deuant leurs yeux tous
 les pechez qu'ils ont faicts, les bonnes ceures qu'ils
 croiront auoir faites seront semblables à la poulliere
 que le vent emporte; & les bien-heureux jouiront
 d'un bien tres-assuré, ils n'entendront rien qui ne
 les contente. Lors que le Ciel & l'air se fendront, &
 que les Anges descendront, alors la verité paroistra,
 & le misericordieux regnera; ce iour sera fascheux
 aux infidelles, ils morderont leurs doigts, & diront;
 pleust à Dieu que j'eusse suiuy le Prophete son Apo-
 stre? O malheur pleust à Dieu que ie n'eusse point
 contracté d'amitié avec vn tel infidelle, il m'a déuoyé
 du droit chemin, il m'a empesché de croire en l'Al-
 coran que Dieu a enuoyé, certainement le Diable a
 tenté les hommes; Alors le Prophete dira, Seigneur,
 ceux qui m'ont suiuy ont obey à ce qui est escrit dans
 l'Alcoran, & les infidelles l'ont abjuré. Nous auons
 donné vn ennemy entre les meschans, à chaque
 Prophete de ceux qui s'ont precedé, mais il te suffit

que Dieu te conduise & te protege, Les infidelles ont demandé si l'Alcoran a esté enuoyé tout en vne fois i'en ay ainsi vsé, pour confirmer la verité en ton cœur, ie l'ay enuoyé piece à piece, ils ne te ont rien voir de semblable, iet'ay enseigné la verité claire & intelligible, les incredules seront confinez dedans le feu d'Enfer, & seront tres-malheureux. Certainement nous auons donné à Moïse le liure de la loy, nous auons enuoyé avec son frere Aaron pour l'ayder, nous leur auons dit, Allez tous deux prescher les infidelles, nous les exterminerons, s'ils ne se convertissent. Lors que le peuple de Noé à mesprisé nos commandemens nous l'auons submergé, & fait seruir d'exemple à la posterité, & auons preparé de grands tourmens aux impies. Souuiens-toy de Aad, de Temod, & de ceux qui habitoient auprez du puy long-temps apres eux, nous leurs auons parlé par parabole & les auons exterminé. O impies, considererez le malheur de la ville sur laquelle est tombée vne mauuaise playe qui l'a exterminée, par ce que ses habitans ne croyoient pas en la resurrection. Lors que les infidelles t'ont veu paroistre; ils se sont mocqués de toy & ont dit, ce Prophete nous veut deuoyer, & nous faire abandonner nos Dieux; Nous auons eu patience, & auons differé nostre punition; ils cognoistront au iour du Iugement ceux qui ont esté deuoyez: As-tu consideré l'action de celuy qui a parlé de son Dieu à sa fantaisie: estois-tu son tuteur pour l'empescher de parler? crois-

tu que la plus grande partie des impies entendent & comprennent ce que tu leur dis? ils sont comme des bestes & encore pire; Ne voids-tu pas comme ton Seigneur espend la rosée? s'il vouloit elle seroit permanente, le Soleil l'a fait fondre & l'esleue doucement à foy. C'est luy qui a créé la nuit pour reposer, & le iour pour travailler. C'est luy qui enuoye les vents; par sa grace speciale il fait descendre la pluye du Ciel pour rafraichir la terre, pour luy donner la vie, pour abreuuer les animaux, & pour le contentement des hommes, nous l'auons parragée entr'eux afin qu'ils se souuiennent de nostre grace, neantmoins la plus grande partie sont des ingrats. Si nous eussions voulu nous eussions enuoyé à chaque ville vn predicateur pour prescher à ses habitans les tourmens de l'Enfer, n'obeys pas aux infidelles, presche leur fouuent ce qui est escrit dans l'Alcoran. C'est Dieu qui a adoucy l'eau de l'Eufrate, qui a ioint les deux mers, qui les a salées, & qui a mis entr'elles vne separation pour les empescher de se mesler; Il a créé l'homme & la femme d'vn peu d'eau pour croistre & multiplier ensemble, ton Seigneur peut tout ce qu'il veut, neantmoins les infidelles adorent ce qui ne leur peut faire ny bien ny mal, & aydent au Diable leur Maistre à tenter le monde, Nous ne t'auons enuoyé que pour prescher les tourmens de l'Enfer, & pour annoncer les ioyes du Paradis; Dis leur, ie ne vous demande point de recompense de mes predications, celuy qui sera agreable à Dieu, suivra le chemin de

fa loy: Louë & exalte ton Seigneur, cõfie-toy en luy, il sçait tous les pechez des hommes, il a creé les Cieux & la Terre en six iours, & s'est assis en son trône, apprens cela de celuy qui le sçait. Lors qu'on a dit aux infidelles; Adorez le misericordieux, ils ont dit, quel misericordieux? adorerons-nous ce que vous nous ordonnez? & ont augmenté leur impieté. Beny soit celuy qui a creé les signes au Ciel, qui a creé le Soleil & la Lune pleins de clairté & de lumiere, & qui a fait que les iours s'entresuiuent pour le remercier de ses graces. Les seruiteurs du misericordieux qui marchent avec humilité, qui saluënt les ignorans lors qu'ils parlent à eux, Ceux qui prient & adorent Dieu iour & nuit, Ceux qui disent, Seigneur deliure nous des tourmens de l'Enfer, qui craignent Dieu, qui ne sont ny prodigues ny auaricieux qui suiuent le milieu entre la prodigalité & l'auarice, Ceux qui n'adorent qu'un seul Dieu, qui ne tuënt personne qu'avec raison & suiuant les commandemens de Dieu, & ceux qui ne sont pas luxurieux, iouïront eternellement de la grace de Dieu; Ceux qui feront le contraire seront chastiez, leur punition sera augmentée au iour du Iugement, & seront eternellement damnez, excepté celuy qui se sera conuertiy, & qui aura fait de bonnes œures, Dieu luy pardonnera ses pechez, il est clement & misericordieux. Ceux qui font de bonnes œures & qui se conuertissent, qui ne font point de faux serment, qui sont humbles, & qui ne font pas les sourds ny les

muets quand ils entendent lire l'Alcoran, & disent, Seigneur, donne-nous & à nostre posterité des enfans qui soient la lumiere de nos yeux, & qui te soient obeïssans, donne-nous la crainte de desobeyr à tes commandemens, ces personnes iouyront eternellement des delices du Paradis pour recompense de leur perseuerance, elles y trouueront des salutations & des benedictiós avec des graces immenses. Dis aux meschans, Dieu ne vous esclairera pas, & n'exaucera pas vos prieres, parce que vous avez démenty son Apôstre, le temps de la punition de vos crimes arriuera bien-tost.

*LE CHAPITRE DES POETES,
contenant deux cens vingt-sept versets,
escrit à la Meque.*

AV nom de Dieu clement & misericordieux. Dieu est tres-pur, il entend tout, il est tres-sage. Ces signes sont les signes du liure qui distingue la verité du mensonge, te veux-tu perdre parce que les hommes sont impies? si ie veuie feray descendre sur eux ma punition qui les humiliera, ils mesprisent mes commandemens, ils s'en mocquent, mais il seront rigoureusement chastiez. Ne voyent-ils pas combien nous auons fait produire de fruiets à la terre? c'est vne marque de nostre toute-puissance, neantmoins la